

Leksyon

12

"ANG IMONG KALABUTAN



1. Unsay labut sa Dios ngadto sa mga Cristo- hanon?

- Ang Dios mao ang ilang langitnong Ama-
han, ug sila iyang mga anak.

Mateo 6:9. . . . Amahan namo nga anaa
sa langit, pagabalaanon unta ang imong
ngalan.

Mateo 5:16. Pasigaa ninyo ang inyong
kahayag sa atubangan sa mga tawo aron
makita nila ang inyong mga maayong
buhat ug dayegon nila ang inyong Ama-
han nga anaa sa langit.

2. Amahan ba ang Dios sa tanan?

- Dili. Ang Dios magbubuhay sa tanan, apan Amahan lamang siya niadtong mga nangatawo ngadto sa Iyang panimalay.

1 Juan 3:10. Maila mo kon kinsa ang mga anak sa Dios, ug kinsa ang mga anak sa yawa pinaagi niini: Busa kinsa nga wala maghigugma sa iyang igsoon, kini siya dili iya sa Dios.

3. Unsaon nato pagkahimong mga anak sa

- Mahimo kitang nga anak sa Dios, pinaagi sa pagdawat ni Jesu Cristo, ang Anak sa Dios ingon nga atong Manluluwas.

Juan 14:6. Si Jesus mitubag kaniya, "Ako mao ang dalan, ug ang kamatuoran, ug kinabuhi; walay bisan kinsa nga makadto sa Amahan, gawas kon pinaagi kano."

4. Naghatag ba ang Amahan nga langitnon sumala sa gikinahanglan sa iyang mga anak?

- Oo. Naghatag siya sa mga pagkinahanglan sa iyang mga anak.

Mga taga-Filipos 4:19. Ug ang inyong kinahanglanon igahatag kaninyo sa akong Dios sumala sa iyang bahandi sa himaya diha kang Cristo Jesus.

5. Nagabantay ba ang Amahan nga langitnon sa iyang mga anak?

- Oo. Siya nagabantay kanila sa adlaw ug sa gabii.

Salmo 121:3. Dili niya itugot nga mahidalin-as ang imong mga tiil; siya nga nagabantay kanimo dili mahitagpilaw.

Salmo 34:15. Ang mata ni Jehovah anaa sa ibabaw sa mga matarung, ug nagapatalinghug ang iyang nga igdulogog sa sa ilang pagtu-aw.

6. Unsaon sa mga Cristohanon pagkadawat ug mga panalangin gikan sa Dios?

- Ang mga Cristohanon mahimong makadawat sa mga gisaad sa Dios ug uban pang mga panalangin pinaagi sa pagampo ug pagsalig sa iyang pulong.

Juan 14:13. Ug bisan unsay inyong pangayoon pinaagi sa akong ngalan pagabuhaton ko kini, aron ang Amahan kapasidungan diha sa Anak.

7. Sa ingon ba lamang niini nga paagi makadawat nato ang mga panalangin sa Dios?

- Dili. Ang mga Cristohanon mahimo usab nga makadawat sa mga panalangin gikan sa Dios pinaagi sa pagtabang sa uban.

Salmo 4:1. Bulahan siya nga nagalandong sa mga kabus; si Jehovah nagaluwas kaniya sa adlaw sa kadautan.

Mga Buhat 20:35. Sa tanang mga butang gikapakita ko kaninyo nga ang mga maluyahon kinahanglan inyong tabangan

pinaagi sa ingon nga pagbudlay, nga nahinumdom kamo sa pulong sa Ginoong Jesus nga siya gayud ang nagsulti, "Labi pang bulahan ang paghatag kay sa pagdawat".

8. Aduna pa bay laing paagi nga makadawat ang mga Cristohanon ug mga panalangin gikan sa Dios?

- Oo. Ang mga Cristohanon mahimong makadawat ug mga panalangin gikan sa Dios, alang sa buluhaton sa Ginoo.

Malaquias 3:10. Dad-a ninyo ang tibuok nga ikapulò... ug pinaagi niini sulayi ninyo ako karon, nagaingon si Jehovah sa mga panon, kong dili ba buksan ko kaninyo ang mga tamboanan sa langit, ug buboan ko kamo sa panalangin, sa pagkaagi nga wala na unyay dapit nga igong kabutangan sa pagdawat niini.

9. Sa unsang mga paagi nga atong masimba ang Dios?

- Atong masimba ang Dios pinaagi sa pagampo, pagpasalamat kaniya sa iyang mga panalangin, sa pagdayeg kaniya, sa pagawit ug paghatag alang sa iyang buluhaton.

Salmo 95:6. Umari kamo simbahon nato ug yukboan ta siya; managluhod kita sa atubangan ni Jehovah nga atong magbuhat.

Mga Taga-Colosas 3:16. Magaawit kamog mga salmo ug mga alawiton ug mga awit nga espirituhanon uban ang pagkamapasalamat diha sa inyong mga kasingkasing ngadto sa Dios.

10. Kanus-a ang mga Cristohanon magahatag ug mga pagpasalamat ngadto sa Dios?

- Ang mga Cristohanon magapasalamat sa Dios sa tanang panahon tungod sa tanang mga butang.

Mga Taga-Efeso 5:20. Nga sa kanunay magpasalamat kamo sa Dios Amahan tungod sa tanang mga butang sa ngalan sa atong Ginoong JesuCristo.

11. Unsa ka mahinungdanon ang pag-ampo alang sa usa ka Cristohanon?

- Ang pag-ampo maoy naghatag ug kinabuhi, sa pagkinabuhi ingon nga matuod nga Cristohanon.

Mga Taga-Roma 12:12. Pagkalipay kamo diha sa inyong paglaum, pagpaila kamo sa panahon sa kagul-anan, lumahotay kamo sa pag-ampo.

12. Unsa ang gahum sa pagtoo?

- Tungod sa pagtoo, nagaabot ang kaluwasan, ang kaayohan gikan sa mga balatian, ang bautismo sa Espiritu Santo ug uban

pang mga panalangin. Kon walay pagtoo, dili gayud mahimo ang pagpahimuot sa Dios.

Marcos 9:23. Ang tanang butang na mahimo ngadto sa magatoo.

Hebreohanon 11:6. Ug kon walay pagtoo dili gayud mahimo ang pagpahimuot kaniya. Kay bisan kinsa nga magaduol sa Dios kinahanglan magtoo sa iyang pagkanaan ug nga siya magabalus ra sa mga magapangita kaniya.

Taga-Galacia 3:14. Aron nga pinaagi kang Cristo Jesus ang panalangin kang Abraham mahiadto sa mga gentil, aron nga pinaagi sa pagtoo kita makadawat sa gisaad nga Espiritu.

Santiago 5:15. Ug ang pag-ampo mga inubanag pagtoo magaayo sa masakitor, ug siya pagabangonon sa Ginoo, ug kon siya makasala man, siya pagapasayloon.
Mga Taga-Efeso 2:8. Kay tungod sa gracia kamo nangaluwas pinaagi sa pagtoo; ug kini dili sa inyong kaugalingon kahimoan, kini hatag sa Dios.

ANG IMONG PAGABUHATON

1. Sublia pagsag-ulo ang mga sag-ulohon gikan sa ika-siyam nga leksyon hangtud ikanapulo ug usa nga leksyon.
2. Sugdi karon ang pagpasalamat sa Dios sa tanang butang. Bisan unsa pay mang-hitabo, tan-awa kon unsay gibuhat sa Dios alang sa imong kaayohan, bisan kn kini igo lang makapadugang sa imong pagkamapailubon.
3. Kon masag-ulo na nimo pag-ayo ang mga sag-ulohon, tubaga ang mga pangutana sa Talaan sa Tinun-an alang sa ikana-napulog-duhang leksyon.

PAHALIPAY ALANG KANIMO!